

Geef
Muggen
Geen
Kans



GreenKidz ta lansa programa edukativo nobo 'Prevenshon di Sangura'

Resientemente GreenKidz Foundation a lansa un programa di lès nobo na Schotborgschool na Koraal Specht. Kordinadó di Greendkidz Maya Mathias: 'Nos Programa Ditèktif di Sangura 'No duna sangura chèns' ta dirigí riba konsientisashon i prevenshon. Ku esaki, ta siña muchanan kon sangura ta traspasá malesanan peligroso, kon bo por detektá lugánan ku sangura ta brui i prinsipalmente kon pa prevení piká di sangura.



Het Muggenpreventie Doeboek is uitgebracht in het Nederlands, Papiamentu, Papiamentu en Engels.

Primisia Digital pa Kòrsou

E programa di lès den dos idioma (PAP/NED) ta e promé programa di lès 'blended learning' òf 'hybride' di Greenkidz. E ta kombiná material di lès tradishonal ku material di lès on-line ku muchanan por sigui independiente via kualke aparato digital. Mathias: Pa e programa aki nos a traha un buki di aktivitat kolorido ku wega i pùzel di kosnan relashoná ku sangura, pòpchinan di sangura masha bunita i plachinan edukativo ku por wak i klùr/pinta tokante sitionan ku sangura ta brui i prevenshon di sangura.



Ademas nos a traha pa promé bia un seri pa siña on-line (e-learn) di sangura ku muchanan por sigui grátis na Papiamentu òf Hulandes via nan propio telefòn mobil, iPad, laptop òf kòmputer. Esei ta un primisia pa Kòrsou. Nos ke sigui e trènt kaminda mas i mas mucha i skol ta usa medionan digital pa haña konosementu nobo.



Vertegenwoordiging van Nederland in Aruba, Curaçao en St. Maarten
Ministerie van Binnenlandse Zaken en Koninkrijksrelaties



Pakete di lès grátis pa tur skol di Karibe Hulandes

Den e último 7 añanan Greenkidz a traha ku éksito diferente programa pa skol di fundeshi i skol avansá i pa LOFO (Formashon di dosente pa Skol di Fundeshi) na Kòrsou. Mathias: 'Ku e programa aki nos ta habri nos alanan pa Karibe Hulandes. Pronto nos material preventivo, e-learn di sangura i buki kolorido di aktivitat di sangura ta digital disponibel pa tur e islanan. Desaroyo di nos buki di aktivitat di sangura a bira realidat ku sosten di ENNIA. E ta sòru tambe pa imprenta di e buki aki den kuater idioma, esta Ingles, Hulandes, Papiamentu i Papiamentu. Na Kòrsou,

Mensings Caminada lo distribui pronto nos paketenan grátis di lès di sangura na tur skol di fundeshi i skol spesial. Ku nos programa nobo di sangura nos ta duna nos mision 'Changing the mindset of generations' and 'Moving towards a healthier Dutch Caribbean', man i pia.



Certificaat Muggenpreventie

